

## JONES, JOHN (EMLYN) ('Ioan Emlyn'; 1818 - 1873), gweinidog gyda'r Bedyddwyr, bardd a llenor

**Enw:** John (Emlyn) Jones

**Ffugenw:** Ioan Emlyn

**Dyddiad geni:** 1818

**Dyddiad marw:** 1873

**Rhyw:** Gwryw

**Galwedigaeth:** gweinidog gyda'r Bedyddwyr, bardd a llenor

**Maes gweithgaredd:** Crefydd; Eisteddfod; Llenyddiaeth ac Ysgrifennu; Barddoniaeth; Ysgolheictod ac Ieithoedd

**Awdur:** Robert Thomas Jenkins

Ganwyd yng Nghastellnewydd Emlyn. Prentisiwyd ef gydag oriadurwr yng Ngherrigywel (sgrifennodd ar hanes y lle yn *Golud yr Oes*, 1863), a bu gyda Chymreigyddion y Fenni (1838) a Chymreigyddion Llangynidr. Symudodd i Gaerdydd, i swyddfa'r *Principality* - yno y bu â rhan yng nghyfieithu esboniad Gill.

Dechreuodd bregethu ar adeg anhysbys (y mae'n wir yn hynod anodd cael hyd i ddyddiadau pendant yn ei yrfa), a bu'n weinidog ym Mhontypridd, Pen-y-cae ('Ebbw Vale'), Caerdydd, Merthyr Tydfil, a Llandudno, gan ddychwelyd wedyn i Ben-y-cae, lle y bu farw fis Ionawr 1873. Yr oedd yn llenor toreithiog; bu'n olygydd *Y Bedyddiwr* a *Seren Cymru*, a dug allan argraffiad helaethedig o *Hanes Prydain Fawr* **Titus Lewis**. Cyhoeddodd *Gramadeg Cerdadorol*, 1860; *Tiriad y Ffrancod ym Mhencaer*, 1856; a llyfrau eraill. Ymgymherth â dal ymlaen ar *Y Parthysylludd*, gwaith daearyddol a adewsid heb ei orffen gan **John Jenkins** o'r Hengoed a **Thomas Williams**, ' Gwilym Morgannwg ', a daliodd ati hyd ei farw - cwplawyd y gwaith gan **J. Spinther James** yn 1875.

Enillodd y gadair yn eisteddfod genedlaethol Dinbych (1860) ac mewn eisteddfod daleithiol ym Môn (1871), a chyhoeddodd yn 1871 awdlau anfuddugol a anfonasai i eisteddfodau eraill. Ond diamau mai ei gân ' Bedd y Dyn Tylawd ' sydd debycaf o gadw ei enw'n fyw. Cafodd radd LL.D. gan Brifysgol Glasgow yn 1863.

### Awdur

**Yr Athro Emeritus Robert Thomas Jenkins**, (1881 - 1969)

### Ffynonellau

*Y Gwyddoniadur Cymreig* (1889â€"96), ail arg., x, 652-3

*Y Traethodydd*, 1903, 434

*Y Geninen*, Mawrth 1893, 70

*A roll of the graduates of the University of Glasgow from 31st December, 1727 to 31st December, 1897 With short biographical notes* (Glasgow 1898), 300

### Delweddau

John Jabez Edwin Mayall, John Cochran, **John Emlyn Jones**

LIGC: Memorial of John Emlyn Jones (Ioan Emlyn) at Glyn Ebwy

### Dolenni Ychwanegol

VIAF: 16950318

Wikidata: Q20733348

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.



Arddull APA



Jenkins, R. T., (1953). JONES, JOHN (EMLYN) ('Ioan Emlyn'; 1818 - 1873), gweinidog gyda'r Bedyddwyr, bardd a llenor. *Y Bywgraffiadur Cymreig*. Adferwyd 11 Tac 2024, o <https://bywgraffiadur.cymru/article/c1-JONE-EML-1818>



Preifatrwydd a Chwci  
Hawffraint  
Y Prosiect  
Cymorth  
Cysylltu

LGC  
NLW

LLYFRGELL  
THE NATION



Yn ddiwydian  
Llywodraeth Cymru  
Sponsored by  
Welsh Government